

— 426 —

vnd noch enthalten, ir lib vnd ir guot angrifen, vnd scheden, so lange vnz min herschaft von in vnclagehaft werde, gar vnd ganz, vnd tuont darze als ir billich sönt. Der manunge vnd der erkantnisse, han wir die vorgebanten fünfe vnser ieklicher, sin eigen ingesigel gehēket an disen brief. Der geben nach gotz geburte drüzehen hundert drü vnd fünfzig iar, an derselben mitwochen als da vorgeschriben stat.

Den wisen, notuesten vnd bescheidenen, dem meister vnd dem rat gemeinlich von Friburg in Brisskornwe, embiet ich Wolman von Phirt, ritter, phleger in Süntkōwe, minen dienst vnd waz ich guotes mag. Ich lasse üch wissen, daz ich am nehesten fritag vor sant Urbans tag waz ze Altkilch in der stat, da bi mir waren mins herren von Osterreich gesworne amptlute, Heinrich von Masmünster vogt ze Tattenriet, Henman von Phirt min vetter vogt ze Rinuelden, Lüzman von Katersdorf vogt ze Einsisheim rittere, vnd Henman von Hagenbach vogt ze Phirt. Vnd irkande do ich mit inen vnd sū mit mir bi dem eide einhelllich, sūd Heinkin von Werre min herschaft von Osterreich angrifen hat, vnd daz recht von mir versprach dez ich ime gehorsam bin ze tuonde, von miner vorgebanten herschaft wegen von Osterreich, also daz er mirs har wider tete, das ich üch dar vmbe wol ze manende habe, nah der verbuntnisse so min vorgebant herschaft von Osterreich vnd ir zuo einandir hant. Dar vmbe so bitte ich üch vnd mane üch, daz ir den vorgebanten Heinkin von Werre, vnd alle sin helfer vnd die in enthaltend oder enthalten hant, angriffend, ir lib vnd ir guot, also lange, vnze das der vorgebant Heinki von Werre miner herschaft vnd iren armen luten widertue, daz, so er inen getan hat. Vnd dez ze vrfunde so han ich der vorgebant Wolman ritter, phleger in Süntkōwe, vnd die vorgebanten Heinrich von Masmünster, Henman von Phirt, Lüzman von Katersdorf, rittere, vnd Henman von